

Pujortartarnej

GBU-mi siulersuisut ataatsimiinneranni ataasiarani eqqartorneqarpoq pujortartarnej. GBU-p ilisimalluinnarpaa inuup nammineq tunngaviatigut aalajangigassarigaa pujortassanerluni imlt. pujortassannginnerluni, inuummi nammineq aalajangissavaa peqqissuujumanerluni imlt. allatut.

GBU sinnerlugu unammiartortoqartillugu GBU annertuumik aningaasaliisarpoq, taamaattumik takutitsilluarnissaq pillugu GBU-p **siunissami** angusassatut suliniutigaa, unammiartortitsinermi tupap atorreqarunnaarnissaa.

Maannangaaq GBU aalajangerpoq imaattumik:

- 1) AWG peqataasussanik toqqaanermi inuit marluk toqqarneqarsinnaasuni aappaa pujortartarpat aappaa pujortartarani taava pujortaneq ajortoq toqqarneqassasoq.
- 2) AWG peqataasut akornanni pujortartartoqarpat GBU-p piumasaraa inuit katersuuffianni pujortartoqassanngitsoq, aammalu pujortassaganni sapinngisamik inoqarpallaanngitsumi saqqumivallanngitsumilu tamanna pissasoq.

GM-it allallu aqqissuussinerit eqqarsaatigalugit GBU sulissutigissavaa GBU-p pujortartarnej pillugu politikeqalernissaa tassani peqatigiiffiit qanimut suleqatiginerisigut.